

Digicel cu apoyo total pa Tumbero Mark Gonzales



ORANJESTAD- Como un amigo fiel di Special Olympics Aruba, e personal di Digicel semper ta haci nan maximo esfuerzo pa brinda nan apoyo na miembronan di e fundacion aki. Awo ta toca Digicel e honor pa para banda di un di e participan-tenan mas entusiasmo di e gran Festival di Tumba di

Aruba riba dia 1 di februari, esta Mark Gonzales. Digicel ta cla cu su sosten y sponsor cu T-shirt cu un diseño dedica na e cantante padilanti riba e T-shirt y e logo di Digicel banda patras. Asina Digicel ta yuda prepara Mark pa e ta bon representa den publico pa loke ta apoyo tambe. Mark cu e mesun

alegria cu publico ta costum- bra di mir'e y cu un sonrisa grandi, el a entrega su prome T-shirt di apoyo na Remko van der Veldt na oficina di Digicel. Gerente General di Digicel Aruba, Remko van der Veldt y e famia grandi di Digicel ta invita publico general pa no perde e Festi- val di Tumba di Carnaval 60 y bin apoya Mark Gonzales y tur participante kende tur lo briya sigur y pone tur hende gasta sapato bailando riba e tononan di nan tumbanan!


Ta kisas un hecho no mucho conoci, pero Mark antes no tabata deportista y ta hustamente su amor pa cantamen- to cu a hib'e na bira un bon deportista.

Su soño tabata pa pone man na su curason y canta Himno di Aruba na momento cu su compañeronan ricibi nan medaya na Beijing durante

Special Olympics. Pero desafortunadamente, no tabatin posibilidad pa un can- tante biahá cu e delegacion. Ora Mark Gonzales a haya e noticia aki mas of menos dos aña prome cu e weganan lo a tuma luga, el a dicidi cu e ta masha facil, e ta bay bira deportista, entrena cu alma y curpa y lo logra su cualifica- cion pa ta miembro di e dele- gacion di Aruba.

Mark Gonzales, cu un dedi- cacion y determinacion in- menso, despues di ya tabata conoci na Aruba como can- tante, a logra su meta di bay Beijing cu e delegacion. E mes tambe a gana medaya y a canta nos "Aruba Du- shi Tera" cu un entusiasmo inigualabel.

Cu e mesun determinacion y dedicacion Mark a entrena pa su presentacion na Tumba hunto cu Delicious band y ta



cla pa duna un presentacion di kita sombre. Pa Mark, e combinacion di deporte y musica sigur ta complemen- ta otro y ta trece hopi alegria den su bida.

Digicel t'ey pa bo Mark! Digicel ta desea nos amigo special di Special Olympics Aruba y tur participante hopi exito! □